

esurit hic semper, hic aliquando satur,
amborum vitam si lax aequata levaret,
plus rationis habet, quam (l. qui) ratione caret.

Item *parasitus quidam Golias nomine nostris diebus gulositate pariter et leccacitate* (al. dicacitate) *famosissimus*, qui *Golias* (l. *Gulias*) melius, quia *gulæ et crapulae* per omnia deditus dici potuit, *litteratus tamen affatim, sed nec bene morigeratus,* *nec bonis disciplinis informatus*, in papam et curiam romanam *carmina famosa* plures et plurima tam *metrica* quam *ridmica* non minus impudenter quam imprudenter evomuit. De quibus invectionem *ridmicam* temere nimis et indiscrete compositam casualiter incidens, *clausulas* aliquot inde ad detestandum quidem et condemnandum, non approbandum aut imitandum, has scilicet hic apposui⁽¹⁾:

Roma caput mundi est, sed nil capit mundum,
quod pendet a capite totum est immundum,
trahit enim vitium primum in secundum:
et de fundo redolet quod est juxta fundum.

Roma cepit singulos et res singulorum,
Romanorum curia non est nisi forum:
ibi sunt venalia jura senatorum,
et solvit contraria copia nummorum.

In hoc consistorio si quis causam regat
suam vel alterius, hoc in primis legat:
nisi det pecuniam Roma totum negat,
qui plus dat pecuniae, melius allegat.

Romani capitulum habent in decretis,
ut petentes audiant manibus repletis:
dabis aut non dabitur; petunt quando petis,
qua mensura seminas, et eadem metis.
Cum ad papam veneris, habe pro constanti,
non est locus pauperi, soli favet danti;
et si nummis praestitum non sit aliquanti,
respondet: haec tibia non est mihi tanti⁽²⁾. *Carm. Guy. p. 20*

Papa, si rem tangimus, nomen habet a re⁽³⁾,
quicquid habent alii, solus vult papare,

(1) Das vollständige lied aus andern hss. findet sich bei Wright p. 36-39. *carm. Guy. 19-21*

(2) Ovidius metam. 6, 386 von Marsyas:

'ah piget, ah non est' clamabat 'tibia tanti.'

und fast. 6, 695 von Minerva:

'ars mihi non tanti est, valeas mea tibia, dixi.'

(3) Vgl. oben s. 72.